

MY BIBLE FIRST

PRIMARY YEAR A
Q 3 #33

A Hangsan Thukansim Nihte

SUNDAY

1 “Meii kahto hi! Meii kahto hi!” Himah hi, biak-buk tung a meii vantung lam ah kilawm takin kahto ta hi. Mi khempueh in tua a khatna thei ciat uh hi. **Gamlakvakna 9:17** sim in. Amaute Canaan lam zuan in pai ding uh hita hi.

Meii a kahtoh ma nipikaal tawmkhat lai-in, Israel tate in Egypt pan a paikhiat a kipan-a kum khat a cinni lian in Paisan paw na bawl uh hi. **Aneu 2-5** sim in.

Tua zan a kipan a lawp-huai thu tampi piang hi. Pasion in a Thupiak Sawmte gen in, tua khit ciangin suangpek nih tungah at hi. Amaute in a etlawm biak-buk zong bawl uh hi. Pasion in Ama minam tuam a suah theih nadingun Moses tungah a sep dingteng uh gen hi. Moses in tua thute Thuciam Laibu leh Thukham Laibu sungah gelh hi. Mipite in zong ka mang ding uh hi, ci-in kamciam uh hi.

Tu in mi khempuehte in van guangta uh hi. Levi-te in biakbuk pen dawmtak-in puak ding in a phel uh hi. Amaute in amau hih dingteng leh a hih ding dan uh thei ciat uh hi.

Siampite in kidawm tak-in a siangtho vante khuh uh a, tua vante a thupi deuh Levi-te in hong pua ding uh hi. Adang Levi-te in biakbuk tawh na mapai khol in a giah nadinguh ah vante a kikoih theih nadingin biakbuk na lamkhol ding uh hi.

Na khempueh pen hoihtak leh etlawm tak-in sem uh hi. Pengkul a kimut ciangin mi khempueh in thei pah uh hi. **Gamlakvakna 10:1-6, 17, 21.**

Beh makaite in amau kipat hun ding tel sitset uh hi. A etlawm meii in amaute lam makaih hi.



KAMNGAH

Note mai ah a pai Topa na Pasion un note adingin hong dosak ding hi. Thuhilhkikna 1:30.

The Lord your God, who goes before you, He will fight for you. Deuteronomy 1:30



NGAIHSUN-IN: *Mi awn khat val bang kikhin ding uh a, tuuhon leh bawngnon nei uh hi. Mite in Pasion muangin, Ama ading a piang theilo omlo hi ci dingin na um hiam? Mite a phunkik zel nangun Satan in a biththeih zahin nasem in na um hia? Pasion muang zaw ding uh maw, Satan' zuau gen ngai zaw ding uh hiam?*

MONDAY

2 Mi khempueh Canaan gam-ah zin dingin kiging ta uh hi. Meii amau mai-ah kikhin hi. Pengkulte in thu pia in, mipite paikhia ta uh hi. **Gamlakvakna 10:13.**

Mi pawlkhatte in a etkik uh ciangin, mualte a giah-phual a kimkotna tawh Sinai mual phawkkik ding cih thei uh hi. Khualzin nading lam lianpitemlo in, lampi taktak zong omlo hi. A lampite uh pen suang tam in noplo hi. A sawt loin mipite in a et uh ciangin meii in schnell gam a paipih lam thei uh hi.

Mipite phun hong kipan zel uh hi. **Gamlakvakna 11:4-6** sim in.

Moses a lung kia mahmah hi. Amaute in tui leh anlim mahmah manna a neih uh hangin, sa ngen uh hi; tu mahmah in duh uh hi. Moses in bang cih ding

hiam? A ngei mah bangun, Pasion kiangah gen hi.

Pasion in sa nek ding pen a mite adingin hoihlo ding cih thei khin hi. Ahih hangin Amah in ahih ngeisa bangun, amaute in man tawmin a nek dingun vamim honpi a pia hi. Mite in huaiham takin go in, ne uh a, tua hangin cina gawp-in a si uh hi.

 **NGAIHSUN-IN:** *Eite lungkhaub-in ei utdan beka i tatnop ciangin buaina a piang ngei hiam?*

I nu le pate in ei ading a hoih-pen thei uh a, hong it uh hi. Amau na muang siam ta hiam?

TUESDAY

3 A banzom-a thupiang pen nungkal a i sin Nadab le Abihu te thu kibangin up hak hi.

Moses a sanggamte Aaron le Miriam in amah huh mahmah hi. Ahih hangin Moses a zi Zipporah tawh a omkhop ciangin amaute in haza uh hi. A zi in Moses kiangah mipite makaihzia ding a hilh sa uh hi. Amaute in amau sangin a zi thugen-nate thudon zaw sa uh hi.

Tua ban-ah, Zipporah pen gamdang pan hi. Amah in Pasion it napi, amaute tawh pau bangun pau lo a, amaute gamtat bangun gamta lo hi. Amaute in Zipporah pen amau zah-a hoih lo zaw in ngaihsun uh hi. Gitloh dan! Amaute in Pasion ngaihsut bangun ngaihsun lo hi.

Zipporah thu Aaron le Miriam' ngaihsun dan pen diklo hi. Moses in Zipporah it hi, ahih hangin amah'n Pasion' sawl bang mang hi. Pasion in Aaron le Miriam a it zah-in Zipporah zong a it hi.

Tu in Pasion in a khauh tak-in thu gen hi. **Gamlakvakna 12:4-8.** Amah aman ciang leh meiite a kikhin khit ciangin, amau-teng thum in lamdangsa mahmah uh hi. Miriam in phaknatna ngah hi; phaknatna pen a lipkhap-pen natna khat ahi hi. Tua pen ama pumpi tung khempeuh ah om hi. **Aneu 9, 10.**

Moses in Miriam kiangah, "Na ngah ding a kilawm mah hi," ci thei hi. Ahih hangin bang thu piang hiam? A ban **aneu 11-15** sim in.

 **NGAIHSUN-IN:** *Hih thu pen sin dingin baksa hi. I makaite thu a hoih loin gen lo ding hibang.*

Amaute ading thu i ngetsak ding hi. Amau kikheel kul ahih leh, Pasion in lam tampi nei hi. Ei le ei zong Jesu hubna tawh i kikheel ding tampi om hi, himah lo hiam? Jesu in mi khempeuh a kibangin it hi. "Asan le a-naipak, avom le akang, a vek in Ama mit ah manpha hi"

WEDNESDAY

4 Tu in Israel tate khapsa gam ah a lut ding hun hi taktak ta hi. Amaute in Canaan gei a om Kadesh ah giahphualsat uh a, a vek un lawp mahmah uh hi. Pasion in Moses tungah bang gen hiam? **Gamlakvakna 13:1, 2.**

Tu in thukansim dingte ki teel ta a, Pasion in amaute piak dinga a khapsana gam nuam a en dingin pai ta uh hi.


Amaute in a bangci mi mu ding uh hiam? Amaute hat ding uh maw, hat lo ding? Amaute bang dan khuapi ah teng? Amaute in an a ciing thei uh tam? A ganhing tading uh lopa a om diam?

Thukansimte a pai zawh uh kal guk bang hita hi. A tun kik ding uh mipite in ngak-lah mahmah uh hi. A tawpna ah, a vek un tungkik uh hi. Canaan gam ah bang dan an piang cih lung himawh om vetlo hi. Thukansimte in pawl

khat hong ciahpih uh a, lamdang mahmah hi. Lenggah baw khat gol lua ahih manin mi nih in zawng uh hi.

Mite in lawp takin thupuak ngai uh hi. Thukante in bang gen masa uh hiam? **Aneu 27.** Mite maitai uh hi. Tua ciangin a nuihmaite uh hong kikheel vat hi. A gengen ciangun, mipite lau tektek uh hi. Thukan-simte in khuapi gei a kulhte a goldan khawng, galhang tampi om cih gen uh hi. Amaute in a mite gol thei lua a, amaute tawh teh dingin kauphe tawh ka kibang uh hi, a ci uh hi.

Tu in **Gamlakvakna 14:1-4** sim in. Dahhuai si e! Mipi te kikheel vetlo uh hi. Moses le Aaron in bang hih uh hiam? **Aneu 5.**

Moses le Aaron simloh Pasion a muang omlo hiam?  **NGAIHSUN-IN:** *Eite hongit Pasion in Amah muang peuh leng, a piang theilo omlo hi cih bangzah vei hong lak khin hiam. Bangbang a piang*



© sweetpublishing.com; License—<http://creativecommons.org/licenses/by-sa/3.0/>



© sweetpublishing.com; License—<http://creativecommons.org/licenses/by-sa/3.0/>



zongin amah teel ding hilo ahi hiam? Himah hi.

THURSDAY

5 Thukansimte nih in a dangte pau dan hoih sa lo hi. Amau pen Caleb le Moses nasem hoihpa Joshua ahi hi. A mite a heh uh ciangin Caleb in bang na gen hiam? **Gamlakvakna 13:30.**

Thukansim dangte in bang na ci pah uh hiam? **Aneu 31.**

Thukansim sawmte hai lua uh hi! Amau makai vive hi. Mite a piak uh thute lipkhap-huai hi. Makai hang leh Pasian a muang taktak pen Caleb le Joshua bek ahi hi. **Gamlakvakna 14:6-9.**

Tu in mite nak heh lua uh a, a makaite that nuam liang uh hi. Ahi zongin a lungsim uh kilaih vat hi. Bang piang hiam? **Aneu 10-12.**

Khat vei lai, Pasian in Moses Canaan gam ah teng dinga minam lian pupi suaksak dingin bawlkik lai hi. Khat vei lai, Moses in ngaihsun nuam lo hi. Egypt leh a kiim a minamte in Pasian hong zahpih ding uh hi. Amaute in Pasian in a kamciamte tangtungsak zolo hi, hong ci ding uh hi.

Pasian hat mah hi. Amah in na khempeuh hihthei hi. Ahi zongin ahih ngei loh leh ahih nop loh khat om hi. Mite in Amah a muang dingin tangsawl (hawhsawl gawp) ngei lo ding hi.

Moses in Pasian kiangah khatvei lai mite' mawhna maisak in ci-in thumkik hilo hiam? **Aneu 20.** Ahi zongin amaute in Pasian um takpi in a vangliatna a muan takpi kei vua leh, Pasian kamciamna gam sung lut theih nading lampi omlo ahih lam Pasian in thei hi. Tua dingin amaute in khentatna bawl nuam nailo uh hi.



© sweetpublishing.com; License—<http://creativecommons.org/licenses/by-sa/3.0/>

Pasian in Moses tungtawn-in amaute bang na gen hiam? **Aneu 29-31.**

Sinai mual ah, galkap dingte a kisim (**Gamlakvakna 1:1-3**) lai-a kum 20 nuaisiahte bek, leh Caleb le Joshua, Canaan gam ah lut ding hi. Tua hun a tun ma bangtan vei sawt lai ding hiam? **Gamlakvakna 14:34.**

NGAIHSUN-IN: *Citak tak-a Pasian i itna, muanna, leh a thu manna cihte a thupi hiam? A sawt lo ni khat ni ciangin mi khempeuh in Pasian muan ding leh muanloh ding teel khin ding uh hi. Satan in a muang lo dingin hong thuzawh hileh eite in Jesu tawh om tawntung kha lo ding cih pen Satan in a thei hiam? Mite in teeltheihna a neih lai manin na lung a dam hiam? Naupangte zong makai boih hi thei a, amaute khat le khat kibuh thei uh hi. Nang e, makai na hi nuam hiam?*

FRIDAY

6 Naupang khat in, “Hikei! Hikei! Khial ing! Hoih tak-in gamta ta ning! Hong thuaksak kei in!” ci-a a otna na za ngei hiam? Thaman hong ki-thuaksak ciangin nuam lo hi. Ahi zongin naupang a tamzawte in a thuman loh uh ciangin khial ing, ci-a kisik taktakna nei tuan lo uh hi.

Amaute in thaman a thuak nop loh man bek uh hi. A kik ciangin thu a man aleh zong a thuak ding uh gimna a lauh man bek hi thei a, nu le pate it in a thu a man nop man hilo thei hi.

Mihingte zong vantung Pa Pasian tawh ki-tuaci thei hi. Israel mite zong a thuak ding uh gimna a theih uh ciangun na tua ci uh hi. Bang piang cih sim in.

Gamlakvakna 14:39-45.

Pasian in Israel mite it lai veve hi. Ahih hangin nule-pate in a tate uh a theih tel zawk mah bangin Pasian in zong Israel mite amau le amau a kitheih uh sangun thei zaw hi. Lauh man bek-a thuman' ding pen Pasian in deih lo hi. Tua dan pen Satan in eite ngaihsut ding a deihipen tawh kibang hi.

NGAIHSUN-IN: *Sawtpi pek-a Pasian mite' thu i sin ciangin, amau gamtatzia zui lo ding cih pen ngaihsut baihi hi. Ahi zongin tua mite pen tulai a-te tawh kibang hi. Tua tangthute in deihteelna maan neih theih nading hong huh hilo hiam?*

FURTHER STUDY: Numbers 10–14; *Patriarchs and Prophets*, pp. 374–392; *The Story of Redemption*, pp. 158–163; *The Bible Story*, vol. 3, pp. 13–31.



THE STORY CORNER

Florie' Suahni Pawi - Khen 1

Adapted from *Scrapbook Stories* by Amy Sherrard

Florie Swift lawp mahmah hi. Amah pen a zingciang kum 8 hita dinga, a nu in pen a lawmte mi guk a suahni pawi ah sam thei ding, a ci hi. A lawmte in sunanhong ne ding uh a, a nitak dong om suak ding uh hi.



A nu in, "Zingciang na suahni pawi ading na lawm gukte na sam nai hia?" ci-in a dong hi. Florie in sam nai lo a cih ciangin a nu in lamdang a sa hi.

"Miss Ann tawh tu sun ciangin a sam dingin ka pai thei uh diam? Ka lawmte a om na uh gam la lua lo hi," ci-in Florie in a nu a dong hi.

Miss Ann pen Swifts te innkuan tawh a tengkhawm hi a, Florie nu inn nasepte a huh hi. A nu in hoih inciai ci hi.

Miss Ann in Florie' lawmte pen inn gol pipi leh inn hoih tata ah om cih thei a, a inn uh tawh kigamla lo hi. Florie in munda ah a pai ciangin Miss Ann in lamdang sa in, "Na lawm na kimawl pihpihte sam lo ding na hiam," a ci hi.

"Samlo ding, amau tawh ken hun nuam tampi zang khin ing," ci hi. Tua ciangin lampi neu khat ah tuaksuk uh a, inn kisia khat mai ah khawl uh hi. Florie kongkhakpi hong in, kahleite ah kahto uh a, tua innkong kiu hi.

"Hong lut in," ci-in aw neu khat in hong gen hi. Florie in kong hong a, inndei sungah a lut uhleh numei puan khui khat na om hi. Tua nu in Florie hong kaw in, Florie i a khangua numei khat zong na om in, tua nu in maitai takin Florie' khutte len hi.

Florie in Miss Ann kiangah, "Amah Mrs. Gray, ka nu puan khui zel hi a, amah ka lawm Mary hi," ci-in pulaak hi. "Mary pen a mit in khua a muh loh hangin puan khui dan thei mahmah hi," ci hi.

Tua ciangin Florie in Mrs. Gray kiangah, "Mrs. Gray aw Mary ka suahni pawi ah hong pai thei dia, Miss Ann in mawtaw tawh hong la ding hi," a ci hi.

Mrs. Gray in, "Thupi lua ciai, Florie! Mary bel pusuak lua ngei lo hiven. Nuamsa mahmah in cei," ci hi.

Florie leh Miss Ann a ciah khit uh ciangin Mary leh a nu nuam mahmah uh hi.

Tua khit ciangin amaute in a inn khosaang pan

tuaksuk uh a, a inn gei-a sai neu khat ah hong pai uh hi. Tua sai sungah putek khat khedap khui in om a, naupang khezaw khat tutphah kivei thei tungah kingam in na om hi.

Tua leh tua naupangpa in, "Florie aw, nong pai lungdam lua ing. Pak nong khakte ka ngah a, ka nuam mahmah hi. Hoih thei sa lua ing. Sawtpi tak ahing dinga ka kep hangin si veve hi," hong ci khia hi.


Florie nui in, "Jamie aw, ka suahni pawi ah hong pai dingin kong sam hi, tua hun ciangin pak na deih zahzah na ciahpih thei ding hi," a ci hi.

Jamie in a khe hoih lo pen leh a ciangkhit hong en hi. Tua puteekpa in a ngaihsut thei ahah manin, "Jamie aw, lunghimawh kei o! Ka nungzang ah kong pua thei ding hi, amun hi pan gamla lo hi," a ci hi.

Florie leh Miss Ann a ciah ciangin putekpa leh khezaw naupangpa in lungdam takin mangpha khak hi. A den ciangin amaute gel inn lui khat ah hong pai leuleu uh hi. Tua tengah pitek khat a om hi. Amau tua nu pen "Nursie a ci hi; banghang hiam cihleh Florie a naungek lai-in tua nu in na kem hi.

Florie in ka suahni pawi ah hong pai in a cih ciangin Nursie a lungdam lua in, a khitui hong luang keuhkeuh hi. Tua ciangin lungdam maitai sa in amah in, "Kei nong phawk lai lungdam lua ing, hong pai ning," a ci hi.

(Zop Lai Ding)



Additional resources: nature lessons, activities, music, Bible lessons, Scripture memory, and more.

My Bible First Copyright © 2015

Phone: 1-877-242-5317

Web: www.mybiblefirst.org • **E-mail:** sales@mybiblefirst.org

Unless otherwise noted, Scripture quotations are from the NKJV.